

BOSNA I HERCEGOVINA  
FEDERACIJA BOSNE I HERCEGOVINE  
KANTON SARAJEVO - OPĆINA ILIDŽA  
OPĆINSKI NAČELNIK  
SLUŽBA ZA OPCU UPRAVU



BOSNIA AND HERZEGOVINA  
FEDERATION OF BOSNIA AND HERZEGOVINA  
SARAJEVO CANTON - MUNICIPALITY OF ILIDŽA  
MUNICIPALITY MAYOR  
GENERAL ADMINISTRATION DEPARTMENT

Broj: 10-SI-56/18  
Ilidža, 21.05.2018.godine

23-05-2018



**OPĆINSKO VIJEĆE ILIDŽA**

*Material za 16 sednicu  
godine 01  
S. Hasečić*

PREDMET: Dostava Prijedloga odluke o izmjenama i dopunama Odluke o priznanjima Općine Ilidža.

U prilogu vam dostavljamo Prijedlog Odluke o izmjenama i dopunama Odluke o priznanjima Općine Ilidža na dalji postupak.

S poštovanjem,

Prilog: Odluka

Dostavljeno  
1x Naslovu  
1Xa/a



POMOĆNIK OPĆINSKOG NAČELNIKA  
*M. Hasečić*  
Mirsada Hasečić, dipl. pravnik





Broj: \_\_\_\_\_  
Ilidža \_\_\_\_\_

## PRIJEDLOG

Na osnovu člana 2. stava 3. Zakona o javnim priznanjima Kantona Sarajevo – novi prečišćeni tekst («Službene novine Kantona Sarajevo», broj 2/10) i člana 28. Statuta Općine Ilidža –prečišćeni tekst (“Službene novine Kantona Sarajevo”, broj 33/10 ), Općinsko vijeće Ilidža na \_\_\_\_ . redovnoj sjednici održanoj dana \_\_\_\_\_ 2018.godine, *donijelo je*

## **ODLUKU** **o izmjenama i dopunama odluke o priznanjima Općine ilidža**

### **Član 1.** **(Predmet odluke)**

U Odluci o priznanjima Općine Ilidža („Službene novine Kantona Sarajevo“ broj: 36/10 i 1/14), stav 3. člana 1. mijenja se i glasi:

(3) Priznanja se mogu dodjeljivati pojedincima i posthumno u skladu sa kriterijima za dodjelu priznanja iz člana 4. stava 1. tačka b).

### **Član 2.** **(Oblik i izgled priznanja)**

Stav 1. člana 3. Odluke mijenja se i glasi:

(1) Priznanja, kao idejno, grafičko i izvedbeno rješenje sadrže prepoznatljive motive prirodnih ljepota Općine Ilidža u okvirnom dijelu, sa tekstom: „Bosna i Hercegovina, Federacija Bosne i Hercegovine, Kanton Sarajevo, Općina Ilidža“, sa suhim žigom centriranim na vrhu stranice.

Stav 2. člana 3. mijenja se i glasi:

(2) Izbor idejnog rješenja priznanja vrši Općinski načelnik u saradnji sa Komisijom sa saradnju sa drugim općinama, nagrade, priznanja, praznike i obilježavanje značajnih događaja i ličnosti.

### **Član 3.** **(Ograničenja za dodjelu priznanja)**

U članu 5. Odluke dodaju se novi stavovi:

(3) izabranim funkcionerima svih nivoa vlasti u Bosni i Hercegovini, vijećnicima Općinskog vijeća Ilidža i članovima organa mjesnih zajednica za vrijeme trajanja mandata.



- (4) licima koja su pravosnažnom presudom domaćeg ili stranog suda, osuđena na zatvorsku kaznu za djela genocida i ratnog zločina, kao i licima osuđenim na zatvorsku kaznu za ostala krivična djela.
- (5) licima koja svojim djelovanjem narušavaju ugled Općine.
- (6) Priznanja se ne mogu dodjeljivati kolektivima:
- a) prema kojima se vodi stečajni ili likvidacijski postupak;
  - b) koji su propustili ispuniti obaveze u vezi sa plaćanjem penzionog i invalidskog osiguranja u skladu sa propisima u BiH;
  - c) propustili ispuniti obaveze u vezi sa plaćanjem direktnih ili indirektnih poreza u skladu sa propisima u BiH.

**Član 4.**  
**(Javni poziv za dodjelu priznanja)**

U članu 6. Odluke, stav 3. mijenja se i glasi:

- (3) Javni poziv se objavljuje najkasnije do 31 decembra tekuće godine.

**Član 5.**  
**(Opoziv priznanja)**

U članu 9. Odluke dodaje se novi stav:

- (3) Priznanje će biti opozvano ako se naknadno utvrde ograničenja za dodjelu priznanja utvrđena u članu 5 Odluke o priznanjima Općine Ilidža.

**Član 6.**  
**(Sredstva za realizaciju odluke)**

- (1) Sredstva namijenjena za realizaciju Odluke o priznanjima Općine Ilidža utvrđuju se u Budžetu Općine Ilidža za svaku kalendarsku godinu posebno.

**Član 7.**

Ova odluka stupa na snagu narednog dana od dana objavljivanja u "Službenim novinama Kantona Sarajevo".

**PREDSJEDAJUĆI**

**Muhamed Omerović**



Butmirska cesta br. 12. Sarajevo, BiH, tel/fax. +387 33 637 219, centrala 775-600

[www.opcinailidza.ba](http://www.opcinailidza.ba), E-mail: [mirsada.hasecic@opcinailidza.ba](mailto:mirsada.hasecic@opcinailidza.ba)



# Obrazloženje

## I PRAVNI OSNOV

Pravni osnov da donošenje ove odluke sadržan je u članu 2. stav 3. Zakona o javnim priznanjima Kantona Sarajevo - novi prečišćeni tekst, („Službene novine Kantona Sarajevo broj: 2/10), u kojem je definisano da jedinice lokalne samouprave mogu svojom odlukom utvrditi javna priznanja i članu 28. Statuta Općine Ilidža - prečišćeni tekst („Službene novine Kantona Sarajevo broj: 33/10) u kojem je, pored ostalog utvrđeno da Općinsko vijeće donosi odluke, druge propise i opće akte i daje njihovo tumačenje.

## II RAZLOZI DONOŠENJA I POJEDINA RJEŠENJA

Općinsko vijeće je Zaključkom broj: 01-02-232/17 od 18.01.2018.godine, pokrenulo inicijativu za izmjene i dopune Odluke o priznanjima Općine Ilidža („Službene novine Kantona Sarajevo broj: 36/10 i 1/14) uz sugestiju da Služba za opću upravu, kao nosilac izrade ove odluke pribavi inicijative i prijedloge za izradu izmjena navedene Odluke, od općinskih vijećnika, političkih partija i svih službi Jedininstvenog općinskog organa uprave.

Shodno navedenom Zaključku ova služba je putem emaila od svih vijećnika i političkih partija zatražila da svoje prijedloge i sugestije dostave do određenog roka, a isto je putem dopisa zatraženo od svih službi Jedininstvenog općinskog organa uprave, stručnih i posebnih službi.

Do određenog roka svoje prijedloge su dostavili vijećnici Nedžad Tinjak i Mirsad Madeško, kao i Stručna služba Općinskog vijeća.

Imajući u vidu navedeno, ova služba je analizirala dostavljene prijedloge i u zavisnosti od značaja prijedloga iste djelimično uvažila i ugradila u Odluku o izmjenama i dopunama Odluke o priznanjima Općine Ilidža.

Polazeći od Nacrta Odluke o priznanjima koji je dostavio vijećnik Tinjak i navedenog Zaključka Općinskog vijeća, odgovarajuće izmjene i dopune su izvršene u članu 3. Odluke o priznanjima, tako što je preciziran izgled priznanja i izbog idejnog rješenja.

Treba naglasiti da je dosadašnji izgled priznanja dizajniran od strane kvalifikovane osobe iz reda službenika ove Općine, te da nije raspisivan poseban javni poziv za idejno rješenje priznanja.

Takođe su uvaženi prijedlozi koji se odnose na ograničenja za dodjelu priznanja i opoziv priznanja tako što je preciziran krug osoba kojima se ne mogu dodijeliti priznanja, te da će priznanje biti opozvano, ako se naknadno utvrde ograničenja za dodjelu priznanja utvrđena u članu 5. Odluke o priznanjima Općine Ilidža.

Kriteriji za dodjelu priznanja nisu mijenjani iako je vijećnik Madeško predložio da se uvedu nove vrste priznanja kao što su: Zlatna medalja Općine, Zlatni pehar Općine (pojednicima i kolektivima), Zlatno srce, Srebrna značka (učenicima), Zlatna značka (studentima), Zlatno pero, Orden humanosti, Orden za hrabrost, Zlatna plaketa i Zlatni ljiljan sa nosiocima priznanja, krugom osoba koje se mogu kandidovati za nagrade i kreatorima kriterija sa područja Općine Ilidža.



Ovi prijedlozi nisu uvaženi, obzirom da predlagač smatra da se radi o prevelikom broju priznanja, te da bi se time devalvirao značaj priznanja i da se postojećim kriterijima obuhvata najveći broj osoba koje se mogu kandidovati za dodjelu priznanja, prema postojećoj odluci.

Stručna služba Općinskog vijeća takođe je predložila da se promijene nazivi priznanja i to: Povelja Općine Ilidža, „Ključ Ilidže“, Plaketa odbrane i Zahvalnica.

Povelja Općine Ilidža dodjeljivala bi se kao najveće priznanje Općine za neko životno djelo iz svih oblasti, i to po jedna pojedinačna i kolektivna, a dodjeljivala bi se svakih pet godina za doprinos u jačanju ugleda u zemlji i inostranstvu, razvoj općine ili pojedinih javnih djelatnosti, promociju vrijednosti demokratskog društva i njegovanju tradicije.

Ovaj prijedlog nije uvažen, obzirom da se Zlatna plaketa, kao najveće općinsko priznanje, pored ostalog dodjeljuje kolektivima koji su u dužem vremenskom periodu ostvarili izuzetne rezultate u radu, kao i pojedincima koji su dali izuzetne rezultate u radu, kao i pojedincima koji su dali izuzetan doprinos u drugim područjima života i rada.

Takođe smatramo da je neprihvatljivo da se najveće priznanje dodjeljuje svakih pet godina, imajući u vidu da se priznanja tradicionalno dodjeljuju svake godine na Dan Općine Ilidža.

Prijedlog priznanja „Ključ Ilidže“, koje bi se dodjeljivalo za izuzetan doprinos u razvoju općine svake tri godine, takođe nije prihvaćen, jer su predloženi kriteriji većinom obuhvaćeni prethodnom odlukom, kao i iz prethodno datog obrazloženja

Uvažavanjem prijedloga da se definiše priznanje Plaketa odbrane, kao posebnog priznanja za doprinos u odbrani općine Ilidža, pripadnicima oružanih snaga bilo bi onemogućeno da budu kandidovani za najveće općinsko priznanje Zlatnu plaketu.

Što se tiče prijedloga da se Zahvalnice dodjeljuju svake godine, a najviše pet, smatramo da je važećom Odlukom o priznanjima Općine Ilidža u članu 2. stav 2. već regulisano da o broju, vrsti i dobitnicima priznanja odlučuje Općinsko vijeće Ilidža.

Prihvatanjem naprijed navedenih priznanja, podrazumijevalo bi donošenje nove odluke što nije u skladu sa Zaključkom Općinskog vijeća broj: 01-02-232/17 od 18.01.2018.godine kojim je pokrenuta inicijativa za izmjene i dopune Odluke.

Isto tako predloženo je da se ukinu navedene nagrade za dobitnike priznanja ili da eventualno bude propisano da svi dobitnici priznanja kao i zahvalnica budu novčano nagrađeni.

Obzirom da Općinsko vijeće treba da se opredijeli da li će se dodjeljivati novčane nagrade, ovaj prijedlog nije uvršten u prijedlog ove odluke.

Prijedlog da se javni poziv za dodjelu priznanja objavljuje najkasnije do 31. decembra tekuće godine je uvažen, obzirom da se postupak odabira dobitnika priznanja treba blagovremeno obaviti.

Zaključkom Komisije za saradnju sa drugim općinama, nagrade, priznanja, praznike i obilježavanje značajnih događaja i ličnosti, broj: 01-05-621/18 od 18.04.2018.godine, predloženo je da Služba za opću upravu prilikom izrade izmjena i dopuna Odluke o priznanjima Općine Ilidža, pored priznanja definisanih Odlukom, kao posebnu kategoriju uvede dodjelu posthumnih priznanja sa posebnim kriterijima i postupkom predlaganja.

S tim u vezi, članom 1. ove odluke definisano je a se priznanja mogu dodjeljivati pojedincima i posthumno u skladu sa kriterijima za dodjelu priznanja iz člana 4. stav 1. tačka b), obzirom da su navedenim članom već definisani kriteriji, pa se priznanje može dodijeliti po bilo kojem osnovu



Ilidža, Maj 2018

Služba za opću upravu

BOSNA I HERCEGOVINA  
FEDERACIJA BOSNE I HERCEGOVINE  
KANTON SARAJEVO - OPĆINA ILIDŽA  
OPĆINSKI NAČELNIK  
SLUŽBA ZA OPĆU UPRAVU



BOSNIA AND HERZEGOVINA  
FEDERATION OF BOSNIA AND HERZEGOVINA  
SARAJEVO CANTON - MUNICIPALITY OF ILIDŽA  
MUNICIPALITY MAYOR  
GENERAL ADMINISTRATION DEPARTMENT

**PRIJEDLOG**

## **ODLUKA**

***o izmjenama i dopunama odluke o priznanjima Općine  
ilidža***

Ilidža, Maj 2018.godine

Nosilac izrade:

Služba za opću upravu



Butmirska cesta br. 12. Sarajevo, BiH, tel/fax. +387 33 637 219, centrala 775-600

[www.opcinailidza.ba](http://www.opcinailidza.ba), E-mail: [mirsada.hasecic@opcinailidza.ba](mailto:mirsada.hasecic@opcinailidza.ba)





Butmirska cesta br. 12. Sarajevo, BiH, tel/fax. +387 33 637 219, centrala 775-600

[www.opcinailidza.ba](http://www.opcinailidza.ba), E-mail: [mirsada.hasecic@opcinailidza.ba](mailto:mirsada.hasecic@opcinailidza.ba)





Broj: 01-02-5354/13-8  
Ilidža, 26.12.2013.godine

Na osnovu člana 2. stava 3. Zakona o javnim priznanjima Kantona Sarajevo – novi prečišćeni tekst («Službene novine Kantona Sarajevo», broj 2/10) i člana 28. Statuta Općine Ilidža – prečišćeni tekst (“Službene novine Kantona Sarajevo”, broj 33/10 ), Općinsko vijeće Ilidža na 12. redovnoj sjednici održanoj dana 26.12.2013.godine, *donijelo je*

## **ODLUKU**

### ***o izmjenama i dopunama Odluke o priznanjima Općine ilidža***

#### **Član 1.**

U Odluci o priznanjima Općine Ilidža („Službene novine Kantona Sarajevo“ broj: 36/10), član 2. mijenja se i glasi:

(1) Priznanja u smislu ove odluke su:

- a) Zlatna plaketa
- b) Srebrna plaketa
- c) Zahvalnica

(2) Uz Zlatnu plaketu se dodjeljuje i novčana nagrada u iznosu od 1.000,00 KM.

(3) Uz Srebrnu plaketu se dodjeljuje i novčana nagrada u iznosu od 500,00 KM.

(4) O broju, vrsti i dobitnicima priznanja odlučuje Općinsko vijeće Ilidža.

#### **Član 2.**

U članu 5. stav 2. iza riječi „radnog mjesta“ briše se tačka, stavlja se zarez i dodaju se riječi:

„vijećnicima Općinskog vijeća Ilidža u vrijeme trajanja mandata i članovima Savjeta mjesnih zajednica u vrijeme trajanja mandata“.

#### **Član 3.**

U članu 7. stav 2. iza riječi „relevantnom dokumentacijom“ stavlja se zagrada i dodaju se riječi „(kopije diploma, priznanja, uvjerenja, zahvalnica i drugih dokaza)“.



#### Član 4.

Ova odluka stupa na snagu narednog dana od dana objavljivanja u "Službenim novinama Kantona Sarajevo".

PREDSJEDAVALA

**Smiljana dr Viteškić**

DOSTAVLJENO:

1. Općinski načelnik
2. Služba za finansije
3. Služ. za obr., kul., sport i inf.
4. Služba za zajedničke poslove
5. Str.služba za koordinaciju rada MZ-a
6. Služba za opću upravu
7. Za objavu „SNKS“
8. Evidencija
9. a/a





Broj: 01-02-4585/10-3  
Ilidža, 29.12.2010.godine

Na osnovu člana 2. stava 3. Zakona o javnim priznanjima Kantona Sarajevo – novi prečišćeni tekst («Službene novine Kantona Sarajevo», broj 2/10) i člana 86. Statuta općine Ilidža - prečišćeni tekst («Službene novine Kantona Sarajevo», broj 33/10), Općinsko vijeće Ilidža na 19. redovnoj sjednici održanoj dana 29.12.2010.godine, *donijelo je*

## **O D L U K U**

### **O PRIZNANJIMA OPĆINE ILIDŽA**

#### *Član 1. (Predmet odluke)*

- (1) Ovom odlukom, utvrđuju se priznanja Općine Ilidža koje se dodjeljuju pojedincima i kolektivima sa područja općine Ilidža za izuzetne uspjehe u razvoju privrednih i društvenih djelatnosti, kao i značajan doprinos u odbrani općine.
- (2) Izuzetno, priznanja se mogu dodijeliti pojedincima i kolektivima koji nisu sa područja općine Ilidža, ako su njihovi rezultati primjereni ugledu općine.
- (3) Priznanja se mogu dodjeljivati i posthumno.

#### *Član 2. (Vrste priznanja)*

- (1) Priznanja u smislu ove odluke su:
  - a) Zlatna plaketa
  - b) Zahvalnica
- (2) O broju, vrsti i dobitnicima priznanja odlučuje Općinsko vijeće Ilidža.

#### *Član 3. (Oblik i izgled priznanja)*

- (1) Priznanja, kao idejno, grafičko i izvedbeno rješenje sadrže prepoznatljive motive prirodnih ljepota općine Ilidža u okvirnom dijelu, sa grbom Općine u gornjem dijelu priznanja.
- (2) Izbor idejnog rješenja priznanja vrši Općinski načelnik.
- (3) Priznanja se štampaju na formatu A3 i dodjeljuju se u svečanom povezu.

**Član 4.**  
**(Kriteriji za dodjelu priznanja)**

(1) Priznanja iz člana 2. ove odluke dodjeljuju se prema slijedećim kriterijima:

a) *kolektivima koji su u dužem vremenskom periodu:*

- 1) ostvarili izuzetne rezultate u radu;
- 2) ulagali u proširenje proizvodnih kapaciteta;
- 3) postigli izuzetne rezultate u oblasti nauke, kulture, prosvjetne djelatnosti, vjerskog života, sporta, zdravstva, bezbjednosti, razvoju komunalne infrastrukture, zaštiti radne i prirodne sredine i razvoju dobrih međuljudskih odnosa;
- 4) dali izuzetan doprinos u ostvarivanju prava građana;
- 5) doprinijeli poboljšanju uslova rada i života u MZ na području općine Ilidža;
- 6) značajno doprinijeli u organizaciji i pripremama za odbranu i odbrani zemlje;
- 7) dali izuzetan doprinos u drugim područjima života i rada.

b) *pojedincima koji su:*

- 1) inovatori na tehničkim i drugim unapređenjima;
- 2) doveli u opasnost svoj život spašavajući druge osobe i materijalna dobra;
- 3) kao donatori humano postupali prema pojedincima ili kolektivima;
- 4) posebno doprinijeli razvoju lokalne samouprave u MZ, općini i poboljšanju uslova života građana;
- 5) uspješno organizovali organe MZ i udruženja, te doprinijeli njihovom radu;
- 6) postigli izuzetne rezultate u oblasti poljoprivredne proizvodnje;
- 7) ostvarili posebne rezultate u sportu, vaspitno-obrazovnom radu, naučnom radu, umjetnosti i kulturi, na međunarodnom, državnom i federalnom nivou;
- 8) značajno doprinijeli u organizaciji i pripremama za odbranu i odbrani zemlje;
- 9) dali izuzetan doprinos u drugim područjima života i rada.

**Član 5.**  
**(Ograničenja za dodjelu priznanja)**

- (1) Priznanja se ne mogu dodijeliti kolektivima ili pojedincima kojim su ista dodijeljena u posljednjih pet godina.
- (2) Priznanja se ne mogu dodijeliti uposlenicima Općine Ilidža za rezultate ostvarene u obavljanju poslova predviđenih opisom radnog mjesta.

**Član 6.**  
**((Javni poziv za dodjelu priznanja))**

- (1) Općinsko vijeće odlukom raspisuje Javni poziv za predlaganje kandidata za dodjelu priznanja Općine Ilidža.
- (2) Odluka o raspisivanju Javnog poziva sadrži vrstu priznanja, mjesto oglašavanja, kriterije za dodjelu priznanja, kolektivi i pojedinci koji mogu podnijeti prijedloge za dodjelu priznanja i rok za podnošenje prijedloga za dodjelu priznanja.

- (3) Javni poziv se objavljuje najkasnije jedan mjesec prije održavanja svečane sjednice Općinskog vijeća povodom dana Općine.
- (4) Prijedlozi za dodjelu priznanja dostavljaju se Komisiji Općinskog vijeća za saradnju sa drugim općinama, nagrade, priznanja, praznike i obilježavanje značajnih događaja i ličnosti (u daljem tekstu: Komisija).

**Član 7.**  
**(Ovlašteni predlagачi)**

- (1) Prijedloge za dodjelu priznanja mogu podnositi građani pojedinci, udruženja građana, savjeti mjesnih zajednica, boračke organizacije i udruženja, političke partije, vijećnici Općinskog vijeća Ilidža, općinski načelnik, ustanove i drugi organi i organizacije sa područja općine Ilidža.
- (2) Prijedlozi se podnose u pisanoj formi sa obrazloženjem i relevantnom dokumentacijom o ispunjavanju uslova sa naznakom za koju vrstu priznanja se podnosi prijedlog.
- (3) Svaki prijedlog za dodjelu priznanja mora biti obrazložen i dokumentovan.

**Član 8.**  
**(Odluka o dodjeli priznanja)**

- (1) Komisija je dužna da razmotri sve dostavljene prijedloge za dodjelu priznanja i Općinskom vijeću dostavi izvještaj o pristiglim prijavama sa prijedlozima dobitnika priznanja.
- (2) Općinsko vijeće na osnovu izvještaja Komisije iz stava (1) ovog člana donosi odluku o dodjeli priznanja Općine Ilidža.

**Član 9.**  
**(Opoziv priznanja)**

- (1) Priznanja dodijeljena u skladu sa ovom odlukom mogu se opozvati ako se dobitnik priznanja pokaže nedostojnim priznanja.
- (2) Opoziv priznanja vrši se na način i po postupku za dodjelu priznanja.

**Član 10.**  
**(Stupanje na snagu)**

Ova odluka stupa na snagu osmog dana od dana objavljivanja u "Službenim novinama Kantona Sarajevo".

PREDSJEDAVAJUĆA

**Smiljana dr Viteškić**

DOSTAVLJENO:

1. Općinski načelnik
2. Služba za opću upravu
3. Služba za zajedničke poslove
4. Za objavu „SNKS“
5. Evidencija
6. a/a